



**WWW.SOLODIPUEBLO.COM**



**SOLODIPUEBLO@GMAIL.COM**

# DIABIERNA AWOR LO TIN CASO PENAL DI LABAMENTO DI PLACA CONTRA BENNY SEVINGER



# MINISTER DI MADURO DI FINANSA TA LAMENTA CU PRESIDENTE DI PARLAMENTO TA TARDA PA TRATA PRESUPUESTO 2025



# DOW A ELABORA RIBA PLAN 2025 PA ASFALTA CARETERANAN NA ARUBA Esaki ta posibel danki na e espacio financiero cu Gabinete Wever- Croes a crea



Awo cu 2 florin mas, bo por gana e **MEGA PLUS**  
\* Afl. **3.750.000,-**  
\* Afl. 2.450.000,- + Afl. 1.300.000,-  
extra  
Benta ta sera 7:30 pm y sorteo ta hunga 7:45 pm




HUNGA AWO





# AMBULANS A BAY YUDA PERSONA CU TABATA HACIENDO EHERCICIO RIBA E.J."WATTY" VOS BLVD.




Diadomingo mainta a drenta informe di cu un persona canando pa su condicion fisico riba E.J."Watty" Vos Blvd. a sak den otro y dal abao, mesora a dirigi un ambulans na e sitio.

Na yegada di e ambulans nan a atende e persona y a transporte pa hospital.





# CHAUFFEUR BURACHI DI UN HYUNDAI GETZ A BAY DAL TRAS DI UN HYUNDAI TUCSON Y A SER DETENI



Diadomingo atardi laat a drenta informe si un accidente banda di Citgo Paradera, mesora a dirigi un patruya e sitio.

Na yegada di e patruya a bin compronde cu aki ta trata di un accidente ubda un chauffeur di un Hyundai Getz bao influencia no a regula su velocidad ni a mantene distancia a bay dal tras di un Hyundai Tucson y a dañe e taira di patras.

Polis a detene e chauffeur y afortunadamente ningun hende a resulta herida.





# DIABIerna AWOR LO TIN CASO PENAL DI LABAMENTO DI PLACA CONTRA BENNY SEVINGER

Diabierna awor den sala di Corte di Husticia di Aruba, lo trata e caso penal di labamento di placa contra Benny Sevinger.

SOLODIPUEBLO por a compronde cu for di aña pasa, Ministerio Publico a cuminsa cu e caso caminda Ministerio Publico ta haya cu Benny Sevinger a laba placa. E caso a keda posponi riba peticion di abogado mr. David Kock, pa haya sentencia di Hof di Corte Superior. Awor tratamiento di e caso lo

tuma lugar.

FISCAL TA DEMANDA PA SEVINGER PAGA CASI 1 MIYON FLORIN

Na Mei 2024, Ministerio Publico a cuminsa e caso pa kita propiedadnan di Benny Sevinger. Esaki relaciona cu caso Avestruz, caminda Fiscal ta haya cu Benny Sevinger a haci labamento di placa. Fiscal a laga haci un investigacion financiero caminda ta demanda 940 mil florin, cu Benny mester paga. Abogado mr. Kock a bisa

Hues cu Hof a bisa cu por spera cu na Juli 2024 lo tin sentencia den caso Avestruz. El a bisa cu e no a haya chens di investiga e rapportnan cu Ministerio Publico a manda. El a pidi Hues pa mihor warda riba sentencia di Hof. Hues a bay di acuerdo cu e peticion y a pospone e caso.

HOF A BAHA PISA RIBA BENNY SEVINGER

Dia 12 Juli 2024, Hof a dicta sentencia den caso Avestruz caminda Hof ta haya Benny culpable di



malversacion diferente usa su fundacion pa haya biaha y a laga su mes placanan y a malversa wordo cumpra. Tambe placa di e fundacion. Hof ta haya cu Benny a

## MINISTER DI MADURO DI FINANSA TA LAMENTA CU PRESIDENTE DI PARLAMENTO TA TARDA PA TRATA PRESUPUESTO 2025

CAFT, Fraccion MEP y RMR tambe ta urgi pa Presupuesto 2025 wordo trata

Gobernacion ta algo serio y e Ley di Presupuesto ta e ley di mas importante cu Parlamento ta trata pa asina gobernacion por tuma luga. Aunke cu e Ley di Presupuesto 2025 y tur informacion relevante ta na Parlamento caba, toch Presidente di Parlamento ta tarda pa trata Presupuesto 2025.

Tardansa ta kibra disciplina presupuestario Desde aña 2022 Minister Maduro di Finansa a bin ta entrega e Ley di Presupuesto na tempo na Parlamento pa aprobacion di e fondonan cu ta haci e maneho y trabounan posibel pa e siguiente aña di gobernacion. Di e manera aki Presupuestonan

2023, 2024 y 2025 a wordo entrega na tempo na Parlamento pa nan tratamiento. Lamentablemente nos por mira cu debi na eleccion y tardansa den formacion di un Gobierno nobo, e disciplina presupuestario ta bay perdi, ya cu Presidente di Parlamento no tin fin di yama e reunion pa trata Presupuesto 2025.

TUR instancia ta urgi pa trata Presupuesto 2025 pa caba

No ta Minister Maduro di Finansa so ta haci apelacion na Presidente di Parlamento pa trata Presupuesto 2025, e organo di supervision financiero CAFT, Fraccion di MEP y Consejo di Minister di

Reino RMR, TUR ta urgi Presidente di Parlamento pa yama reunion pa trata Presupuesto 2025 pa asina gobernacion por continua na un manera ordena unda procesonan financiero, maneho di debe, inversion y destaho por sigui normal.

Presupuesto ta 'beleidsarm' pa acomoda cambio den Gobierno Minister Maduro a splika cu ta bisto cu e Gobierno nobo lo kier haci cambioden e Presupuesto 2025. Esaki no mester ta problema, ya cu una bes aproba, ora e Gobierno nobo sinta, nan por presenta un Cambio di Presupuesto y inclui e maneho nobo den e presupuesto. Mas aun, cu bista riba eleccion



Presupuesto 2025 a wordo maneho di e Gobierno traha 'beleidsarm' pa nobo sin mucho problema. asina por fit e cambio den





# NoticiadiCorte

## DIABIerna AWOR LO TIN CASO PENAL DI LABAMENTO DI PLACA CONTRA BENNY SEVINGER

Diabierna awor den sala di Corte di Husticia di Aruba, lo trata e caso penal di labamento di placa contra Benny Sevinger.

SOLODIPUEBLO por a compronde cu for di aña pasa, Ministerio Publico a cuminsa cu e caso caminda Ministerio Publico ta haya cu Benny Sevinger a laba placa. E caso a keda posponi riba peticion di abogado mr. David Kock, pa haya sentencia di Hof di Corte Superior. Awor tratamiento di e caso lo tuma lugar.

FISCAL TA DEMANDA PA SEVINGER PAGA CASI 1 MIYON FLORIN

Na Mei 2024, Ministerio Publico a cuminsa e caso pa kita propiedadnan di Benny Sevinger. Esaki relaciona cu caso Avestruz, caminda Fiscal ta haya cu Benny Sevinger a haci labamento di placa. Fiscal a laga haci un

investigacion financiero caminda ta demanda 940 mil florin, cu Benny mester paga. Abogado mr. Kock a bisa Hues cu Hof a bisa cu por spera cu na Juli 2024 lo tin sentencia den caso Avestruz. El a bisa cu e no a haya chens di investiga e rapportnan cu Ministerio Publico a manda. El a pidi Hues pa mihor warda riba sentencia di Hof. Hues a bay di acuerdo cu e peticion y a pospone e caso.

HOF A BAHIA PISA RIBA BENNY SEVINGER

Dia 12 Juli 2024, Hof a dicta sentencia den caso Avestruz caminda Hof ta haya Benny culpable di malversacion diferente biaha y a laga su mes wordo cumpra. Tambe Hof ta haya cu Benny a usa su fundacion pa haya placanan y a malversa placa di e fundacion.

Hof a bisa cu kier manda señal bon cla cu

corupcion den Gobierno no ta acceptable y tin castigo pisa. Hof ta haya cu Benny, a abusa di su posecion como minister.

Hof a condena Benny na 4 aña di prison di cual 1 aña ta condicional cu 3 aña di prueba. Ademá Hof a condena Benny cu pa 5 aña e no por postula su mes pa eleccion. Te ainda e caso no a wordo trata na Hulanda.

Na October 2024, a sigui cu un “regiezitting” di e caso penal di labamento di placa contra Benny, caminda a palabra cu lo tin mandamento di cartanan entre abogado mr. Kock y Ministerio Publico y cu 28 Februari 2025 tratamiento di e caso ta tuma lugar. Esey ta nifica cu Diabierna awor lo tin tratamiento di e caso.

## STUDIANTENAN CARIBENSE TA BAY HULANDA MIHO PREPARA

Di 10 di maart te cu 11 di april 2025, Dienst Uitvoering Onderwijs (DUO) ta haci un bishita di trabou na e area Caribense. Durante e bishita lo habri oficinanan di servicio temporal. Tambe DUO ta organisa encuentronan di informacion tocante financiamiento di estudio. Durante esakinan ta duna atencion tambe na con studiantenan, cu e number di servicio di ciudadano (burgerservicenummer (BSN)) cu nan a ricibi, por prepara nan mes mas miho riba nan estudio na Hulanda.

Ora studiantenan pidi financiamiento di estudio, nan ta ricibi automaticamente un BSN

tambe, entrante 1 di april 2024. Cu esaki, prome cu nan biaha pa Hulanda, studiantenan por cuminsa regla un DigiD, cu cua nan por drenta den websitenan di gobierno Hulandes. Asina studiantenan por cuminsa tira bista entre otro riba haltura di nan financiamiento di estudio. Tambe nan por cuminsa traha afspraak den algun municipio pa inscripcion den e municipio caminda nan ta bay biba. Ademá ta posibel tambe pa habri un cuenta di banco online cerca algun banco. ‘Nos a ripara cu desde cu studiantenan Caribense ta ricibiendo un BSN, nan ta biniendo Hulanda miho prepara’, segun Monique Hoogerwerf, coordinador di area Caribense na DUO.

‘Ta dushi pa mira cu pa e motibo aki nan por cuminsa mas miho.’

Encuentronan di informacion

DUO, di 10 di maart te cu 11 di april, ta presente atrobe riba tur e islanan Caribense – Saba, Sint Eustatius, Sint Maarten, Aruba, Corsou y Boneiro – pa duna informacion tocante studiamiento na Hulanda. Banda di informacion tocante financiamiento di estudio y BSN, futuro studiantenan y nan mayornan ta tende tambe tur cos tocante asuntonan practico cu nan mester regla.

Oficinanan di servicio temporal

Ademá DUO ta habri oficinanan di servicio



temporal riba cada un di e islanan aki, caminda studiantenan por acudi cu pregunta tocante nan financiamiento di estudio of otro asunto relaciona cu estudio. Ex studiantenan tambe por haya informacion aki tocante pago bek di nan debe di estudio.

Un oficina di servicio pa un aña largo na Corsou Pa Corsou tin algo otro plania; E primavera aki DUO ta habri aya un oficina di servicio pa un periodo di

prueba di un aña. E oficina aki ta brinda sosten extra na futuro studiantenan y personanan cu un debe di estudio, pa por brinda nan servicio personalisa durante henter aña. E colaboradornan ademá ta bay duna informacion na scolnan tambe.

Mas informacion tocante e encuentronan di informacion y e oficinanan di servicio temporal por haya riba [duo.nl/bezoekcariben](https://duo.nl/bezoekcariben).



# Minister Ursell Arends: BAKI DEN BARIO BARCADERA PA MAART Y APRIL 2025

Como parti di esfuerso continuo pa fortalece e sistema di maneho di desperdicio y transiciona pa un economia circular, Baki den Bario ta regresa na Barcadera pa dos dia di colleccion: 8 di maart y 5 di april 2025.

Prepara bo desperdicio di antemano y separa nan pa por facilita e proceso di colleccion. Tipo di desperdicio cu ta wordo ricibi separa: Metal, e-waste, carton, green waste(yerbe, mata), desperdicio di construccion, taira, azeta di cushina uza, bulk waste. Pa mas informacion por bishita limpi.aw .

Baki den Bario Barcadera lo ta tumando lugha di

7'or pa 11'or di mainta y dependiendo e trafico lo tin posibilidad pa pone un extra ora. E tereno cu lo wordo uza ta riba e caminda di Barcadera, net prome cu yega Arugas.

Gobierno ta continuacion, e esfuerso pa crea un maneho di desperdicio robusto ta sigui. E meta ta un Aruba mas limpi, mas sostenibel y mas responsabel. "Nos tin cu sigui traha hunto pa crea un Aruba cu nos por ta orguyoso di biba ariba. Separacion di desperdicio ta unda nos tin cu sigui pone nos esfuersonan como Pais. Un sistema cu ta pone hende, planeta y prosperidad den centro di maneho di desperdicio," Minister Arends ta



enfatisa.

Actualmente tin un estudio andando door di University of Georgia, Impact Blue Foundation y Gobierno di Aruba. E meta di e estudio aki ta pa siña mas tocante e uzo di plastic den nos

comunidad. E Protocol di Evaluacion di Circularidad (Circular Assessment Protocol /CAP) ta duna un impresion di e circularidad di un isla y ta provee data pa por tuma decisionnan informa pa reduci sushi di caya (por ehempel,

plastic di un solo uzo) den medio ambiente y pa por aumenta e circularidad di material den maneho di desperdicio. Minister Arends ta expresa su gratitud na tur partnernan cu ta sigui contribui pa un Aruba limpi limpi.

## UN PERSONA CU A CABA DI LANDA A SALI FOR DI LAMA Y A DAL ABAO BANDA DI E POST DI "STRANDPOLITIE"




Diadomingo mainta a drenta informe di cu un persona cu a caba di landa a sali for di lama y a dal abao y cada rato despues tabata cay den otro banda di e post di "strandpolitie", mesora a dirigi tanto polis como ambulans na e sitio. Na yegada di e patruya a bin descubri cu e persona aki no ta muera bon y a pidi un ambulans pa bin atende. Na yegada di e ambulans nan a atende e victima y a transporte cu urgencia pa hospital.





# WIEL DI AUTO A LOS Y A BAY DAL 2 AUTO MAS Y E ULTIMO AUTO A BAY DAL E AUTO CU SU WIEL A LOS



Diabierna atardi a drenta informe di un accidente cu hende herida na Jucuri. Aki un chauffeur cu su rijbewijs y seguro caduca, su wiel di auto a los bay dal e un pick-up contrario bons bek bay otro banda dal un Kia e dama chauffeur no

tabata sa mes cu e wiel a bini bek di halto dal e Kia y despues e wiel finalmente a bay otro banda cay canto di caminda mientras e Kia a perde control bay dal tras di e mesun auto cora su dilanti cu tabata para. Debi na e ultimo impacto

aki e chauffeur di e Kia a resulta herida. Na yegada di e ambulans nan a atende e victima na e sitio mes mientras e chauffeur cu su rijbewijs y seguro a caduca a haya un dobbel boet.

## PARADA DI MUCHA SAN NICOLAS CU 1 DETENCION

Diadomingo exactamente pa 1:01 Polis conhuntamente cu SMAC a haci inicio di Parada di Mucha na San Nicolaas.

Cuerpo Policial a conta cu 209 personal. Entre otro Polis Uniforma, k9 Unit, ME, Flex Team, Recherche, Trafico, Unidad Motorisa, Planologie,

Mobile Commando, personal administrativo y tambe personal di CEA.

Pa 4:35 atardi e cabez di a parada a yega Joe Laveist Sportspark y pa 5:55 atardi e parada a yega su final.

Despues e actividad a sigui na Carnaval Village na unda a kima e momito pa

7:30 anochi.

E aña aki conta cu 1 detencion. E detencion tabata pa posesion di arma blanco (sambechi).

Aña 2024 tabata tin 6 detencion.

Cuerpo Policial un biaha mas satisfecho cu e



comportacion y aplaudi cada un cu a aporta ba nos

dushi carnaval di mucha pa e periodo aki.



# Prome Minister Evelyn Wever-Croes: Durante Conferencia di Prensa di Gobierno di Aruba, **DOW A ELABORA RIBA PLAN 2025 PA ASFALTA CARETERANAN NA ARUBA** Esaki ta posibel danki na e espacio financiero cu Gabinete Wever-Croes a crea

Dialuna mainta 24 di februari, a tuma luga un Conferencia di Prensa di Gobierno di Aruba hunto cu DOW pa trata e Plan 2025 pa asfalta careteranan na Aruba.

Prome Minister Evelyn Wever-Croes a habri e conferencia elaborando en corto riba acontecimentonan importante di e siman cu a pasa y indicando riba e situacion financiero cu Aruba ta pasando aden cu a conduci cu por sigui asfalta y mantene careteranan na Aruba.


Siman pasa, Prome Minister a atende diferente

tema financiero y presenta plannan y cuadronan financiero. Riba esaki por a scucha reaccion positivo di Hulanda por ehempel e carta cu Secretario di Estado Zsolt Szabó a manda pa Tweede Kamer fin di siman pasa, cu ta indica cu e tin tur confiansa cu Aruba lo cumpli cu su metanan financiero. Riba e atrasonan di e jaarrekening, Secretario di Estado a splica cu Aruba ta trahando na bon manera pa elimina esakinan y si tur cos bay segun plan esakinan lo wordo elimina. No obstante, e elogio mas grandi di Secretario di Estado Szabó ta keda e bon maneho financiero di

Aruba.

Tambe Prome Minister ta indica cu siman pasa CAft tawata na Aruba y a reuni cu Gobierno y a duna hopi elogio pa loke ta trata finansas di Aruba. Dos preocupacion cu nan tin ta e jaarrekening pero nan ta satisfecho di mira cu e trabou ta andando pa elimina e atraso riba esaki. E otro preocupacion ta e Presupuesto 2025 cu no a wordo trata ainda y pa esey CAft lo bay pidi atencion urgente na Presidente di Parlamento pa trata e presupuesto mas pronto cu ta posibel.

Prome Minister:



“Aparte di e preocupacionnan aki, mas nos por a scucha hopi elogio. Y e elogionan aki no a cay for di shelof a bin den un siman, nan ta elogionan di trabounan cu nos ta bin ta haciendo durante e ultimo 7 añanan, specialmente despues di e crisis di e pandemia. Nos

a traha tur e tempo cu un cuadro financiero, pa motibo cu esey ta e unico forma cu e inversionnan cu ta necesario den nos pais, wordo haci. Por ehempel den e caso di DOW, nos tin espacio financiero pa por inverti den e proyectonan cu ta den pipeline na e momento aki”.

## DESPUES DI HACI DRAAIMENTO Y DRIFTMENTO CORE RIBA CAMINDA SIN LUS TA BAY DAL RIBA OTRO AUTO



Diadomingo madruga a drenta informe di un accidente cu hende herida na Camacuri, mesora a dirigi tanto polis como ambulans na e sitio. Na yegada di e patrulla a bin compronde cu aki ta trata di un chauffeur di un Nissan March despues di a haci yen di maniobra peligroso na Camacuri a

bay subi caminda sin lus cendi bay dal riba otro auto nobo kibra esaki. E impacto tabata hopi fuerte debi na e velocidad e auto a bay para na un distancia leu di e impacto. Debi na e impacto e chauffeur di e March a resulta herida, Na yegada di e ambulans nan a atende e victima y a transporte pa hospital



# LEALTAD & EXCELENCIA TA BRIYA MIENTRAS BUCUTI & TARA BEACH RESORT TA HONRA ANIVERSARIO DI SU ASOCIADONAN

EAGLE BEACH, Alruba – Feb.21 , 2025 – Bucuti & Tara Beach Resort, Aruba, orguyosamente ta celebra e aniversarionan di 15 di su asociadonan, un testimonio di nan dedicacion y compromiso. E grupo aki ta forma parti di e total di 53 asociadonan di Bucuti cu tin cinco of mas aña trahando na e resort. Di esaki, 70% ta traha ya diez aña of mas, reflehando satisfaccion di empleado, un logro cu Bucuti & Tara ta orguyoso y honra di por logra cu cada miembro di su personal.

E reconocimiento aki ta coincidi cu e logro mas reciente di e resort di wordo nombra como Hotel No. 1 di Aruba y un di e Top 25 Resortnan den Caribe segun U.S. News & World Report, huntu cu nan recalificacion di “Recommended by Forbes Travel Guide”.

Na e Reunion General Anual di e resort, Bucuti & Tara a honra e 15 Asociadonan di Bucuti pa nan aña di servicio. Rik van der Berg, Resort Manager di Bucuti & Tara Beach Resort, a comparti: "Tur dia, nos huespednan ta conta nos cu nan vakantie na Bucuti & Tara Beach Resort ta entre e miho cu nan a experencia. Esaki ta debi na nos Asociadonan dedica di Bucuti; berdadero profesionalnan di hospitalidad cu ta sinti gran orguyo den crea un ambiente imenso y duna un servicio di huesped cu ta casi sin igual na nivel mundial. Nos ta sinceramente gradici cada un di boso pa ta parti di e trayecto di Bucuti & Tara." Miembronan di Aniversario E 15 Asociadonan di Bucuti cu a celebra nan aniversario

como profesionalnan di hospitalidad na Hotel No. 21 di Mundo segun Tripadvisor ta:

Celebrando 20 aña

- Marie Celie Gabriel-Jean Baptiste (Housekeeping)
- Charmante Rempart (Housekeeping)
- Solanges van der Linde (Housekeeping)
- Jasmine Miller (Housekeeping)
- Beverly Reed-Richards (Housekeeping)
- Francis Eric Davelaar (IT)

Celebrando 15 aña

- Gregorio Villones (Food & Beverage)
- Christian Garcia Ordonez (Food & Beverage)
- Madeline Gower-Fernandez (Front Office)

Celebrando 10 aña

- Karen Cousins (Food & Beverage)
- Yolanda Reyes (Food & Beverage)
- Acecilia William-Pierre (Food & Beverage)
- Mitchell Goeldjar (Reservations)

Celebrando 5 aña

- Michiko Eman (Human Resources)
- Leonard Fingal (Maintenance)

“Esencial pa Bucuti & Tara Beach Resort ta e miho hotel di Aruba ta nos Asociadonan di Bucuti, cu ta e curason di nos resort,” Crescenzia Biemans, Chief Corporate Officer di Bucuti & Tara Beach Resort ta conta. "Nan dedicacion y pasion ta fundamental den forma nos exito durante e añanan. Mientras nos ta celebrando e aniversarionan aki, nos ta refleha tambe riba e balornan cu ta haci



nos resort un luga ideal pa traha: integridad, respet, excelencia, y un compromiso comparti na sostenibilidad. Nos ta sumamente orguyoso di honra nan y ta profundamente agradecido pa nan contribucion na nos exito."

Dunado di trabou ganado di premio: Bucuti & Tara Ta Pone e Standard den Hospitalidad Caribeño

Ademas di celebra e aniversarionan importante aki, Bucuti & Tara ta wordo reconoci como e miho dunado di trabou di hospitalidad No. 1 den Caribe, despues di gana e Premio CHIEF di Caribbean Hotel and Tourism Association (CHTA) pa Desaroyo y Apoyo pa Personal.

E reconocimiento aki ta resalta e compromiso firme di e resort na bienestar di su empleadonan, desaroyo profesional y un ambiente di trabou inspira.

E dedicacion di Bucuti & Tara na su empleadonan ta refleha den su beneficianan

excelente den e industria. E resort ta ofrece un enfoque holistico na cuido y desaroyo di personal, cu un paquete di beneficianan cu ta sobresali entre e negoshinan di hospitalidad na Aruba. E beneficianan aki ta inclui, pero no ta limita na, salario competitivo, un siman laboral di cinco dia, te cu 27 dia di vakantie anualmente, programa di bienestar, membresia gratuito na gym, seguro di salud y bida, un programa di spaar y prestamo cu, inclui prestamonan “green” pa vehiculo elektrico, panel solar y mas.

Durante e ultimo aña, Bucuti & Tara a agrega un subsidio pa cuido di muchanan y chekeonan medico anual pa duna cuido preventivo y tranquilidad pa su personal. Ademas, e resort ta priorisa contrata talento local y promove un cultura di integridad, respeto y sostenibilidad.

Excelencia pa medio di

Durabilidad y Compromiso

E ekipo di 142 Asociadonan di Bucuti & Tara ta duna un servicio sin igual na e resort exclusivo pa adulto cu 104 kamer. Mas cu 37% di su ekipo ta honrado di aniversario , y nan durabilidad ta refleha den e experencia excepcional cu e resort ta duna na su huespednan. Esaki ta resulta den un 97% di ocupacion durante henter e aña y honranan global sobresaliente, incluyendo Hotel No. 3 den Caribe y No. 21 den Mundo segun Tripadvisor.

Un Destinacion di Carera pa Excelencia den Hospitalidad Asociadonan di Bucuti cu hopi aña di servicio ta comparti regularmente cu e ambiente trankil di trabou, e salario y beneficianan excelente, e flexibilidad di un resort independiente y e relacionnan significante construi cu huespednan cu ta bolbe ta hasi Bucuti & Tara un punto sobresaliente den nan carera.

Pa esnan cu ta busca desaroyo profesional y excelencia, Bucuti & Tara ta invita nan pa explora oportunidadnan cu e ekipo premia di e resort. Vacaturanan y aplicacionnan ta disponibel online, via [www.bucuti.com/careers/](http://www.bucuti.com/careers/), of candidatonan interesa por bishita e departamento di Recursos Humanonan personalmente.

Pa haya sa mas, bishita [Bucuti.com](http://Bucuti.com).

IMAGES & VIDEOS

A staff milestone anniversary image is located in this Dropbox folder and this private media gallery.



# ARUBA BANK TA BRINDA SU APOYO CU ORGUYO NA SCOLNAN DEN “PARADA ESCOLAR” 2025



Oranjestad – 24 di februari 2025 - Aruba Bank ta orguyoso di patrocina e participacion

den e Parada Escolar anual pa scolnan Preparatorio y Basico na Oranjestad. Nos patrocinio a yuda Prinses

Amalia Basisschool, Colegio Conrado Coronel, y Scol Paso pa Futuro pa por forma parti den e evento cultural y educativo importante aki.

Como parti di nos compromiso continuo cu e comunidad Arubano, Aruba Bank ta kere den e poder di e proximo generacion door di sostene

eventonan cu ta fomenta spirito escolar, union y aprecio cultural.

Parada Escolar ta un tradicion vibrante y significativo, y nos ta contento di por a contribui na su exito, asina garantizando cu tur studiantenan por participa y muestra nan orguyo pa nan scol.

Nos ta reconoce cu ta importante pa inverti den nos hubentud y pa duna nan experencianan cu ta construi confianza, trabou den ekipo y e celebracion cultural.

Nos ta comprometi na sostene iniciativanan cu ta contribui na desaroyo y bienestar di e futuro di Aruba.



# ARUB U20 WOMEN VS GUATEMALA



## Deadline final pa entrega di CV ta dia 28 di februari 2025

COA ta busca un persona den ramo di administracion financiero

E trabounan rond di e movimiento Olimpico ta compleho y cu hopi reto, pero alabes un experiencia unico unda bo ta conecta cu e mundo di deporte na e nivel mas halto. Comitè Olimpico Arubano ta den buscada di un persona dinamico y cu gana di siña di tur cos cu tin di haber cu e parti financiero na nivel local y internacional na nivel di Comitè Olimpico.

Pa e rol aki, ta busca un persona “full time” cu tin un base di educacion di MBO of mas halto, den e ramo di administracion y/of finanzas. Bon capacidad di comunicacion ta

esencial, cu dominio di nos idioma papiamento, ingles y spaño.

Ta pidi pa tin conocimiento di traha cu Microsoft 365 y su aplicacionnan, manera Microsoft Excel y Word. Banda di esaki, ta di gran importancia e deseo y disponibilidad di kier siña cosnan nobo.

Interesa? Manda nos bo CV, carta di motivacion na nos email [info@olympicaruba.com](mailto:info@olympicaruba.com). Igual si tin mas pregunta y/of ta desea mas informacion, por acudi por medio di e mesun email. #TEAMARU

### COMITE OLIMPICO ARUBANO

TA BUSCA ADMINISTRADOR FINANCIERO

FORMA PARTI DI NOS EKIPO DINAMICO TECNICO-FINANCIERO-ADMINISTRATIVO

- FUERTE DEN ADMINISTRACION RIBA NIVEL MANUAL Y DIGITAL
- TIN CONOCIMIENTO FINANCIERO
- AFINIDAD CU DEPORTE UN PLUS
- POR TRAHA ORARIO FLEXIBEL
- POR MANEHA MICROSOFT EXCEL Y OFFICE 365
- POR TRAHA CU PROGRAMANAN DI ADMINISTRACION FINANCIERO (QUICKBOOKS)
- POR TRAHA BON DEN EKIPO
- TA DOMINA PAPIAMENTO, INGLES Y SPAÑO
- BON MOTIVA PA SIÑA COSNAN NOBO
- NIVEL DI EDUCACION DI MBO-4 OF MAS HALTO
- RAMO DI ESTUDIO ADMINSTRATIVO OF FINANCIERO
- DISPONIBILIDAD PA TRAHA FULL TIME (40HR)

PA MAS INFO & APLICA:

MANDA BO CV NA: [info@olympicaruba.com](mailto:info@olympicaruba.com)




# MATERIALNAN DI DEPORTE A KIMA DEN UN CONTAINER RIBA VELD NA SALIÑA CERCA



Diasabra atardi a drenta informe di cu tin un container na candela riba un veld na Saliña Cerca, mesora a dirigi un unidad di bombero na e sitio.

Na yegada di bombero a logra paga e candela pero esaki a destrui hopi di e materialnan deportivo di e team.



## REFLECCION

No consulta cu e bruhonan pa bo no bay den fierno.

Awendia, bo por lesa den prensa y scucha na radio e servicjonan cu e bruhonan ta ofrece. Nan ta discipelnan di satanas. Nan ta bini cu diferente titulonnan y nombrenan bao di un capa, manera lobonan bisti den cueronan di carne. E bruhonan ta pidi bo nomber, bo portret y bo fecha di nasimento, pa nan monta y yama e diabelnan, pa nan haya informacionnan riba bo y nan ta usa e carta tarrot pa sa bo futuro etc. Unabes cu bo bay na e bruhonan, bo ta keda marka, pasobra e demonionan ta keda bo tras na unda cu bo bay. Si bo puntra bo mes, pakiko? Pasobra ta bo mes a yama e demonionan, pa medio di e bruhonan. Lo bo sinti movencionnan diabolico rond di bo, lo bo tende stemnan rond di bo, pasobra e meta di e demonionan ta, pa nan drenta den bo y pa bo keda posei. Tin hende cu ta posei y sin cu e mes no sa. Pasobra tin ora e persona ta den su mes y tin ora e diabelnan ta domina e persona. E meta di posei

ta, cu e diabelnan tin e persona bao di dominio, den un chamber sin salida. Ora cu e persona aki muri, e diabelnan ta bay cu su alma. Compronde bon, e bruhonan ta gana nan plaka pa medio di e servicjonan di e demonionan y e bruhonan tin cu paga e demonionan cu bo alma. Na tur esnan cu ta consulta cu e bruhonan of den tarrot, nan destino final ta den e tanki di candela y azufre den fierno, lesa den Bijbel Revelacion 21: 6-8. Si bo tin un problema den bo bida, no bay y no yama e bruhonan. Pero busca y bay na un Pastoor di bo Parokia of bay na un persona hopi spiritual den grupo di oracion, pa e resa cu bo, pa e papia cu bo, pa bo haya bon conseho y spiertamento spiritual. Hinka den bo mente, cu ta Cristo-Hesus ta E caminda, E berdad, E bida y nos destino final. Na tur esnan cu ta arepentí di nan actonan, bay na un Pastoor di Parokia, pa bo confesa bo pikanan mortal na Dios y pa bo por ta salba.

Seferino Tromp

## Clasificados










**SOLODIPUEBLO@GMAIL.COM**

**CEL. 585 9500**





# SABIDURIA DEN NOS ALEGRIA

Skirbi pa Ruthy "Lady Ruth" Vrieswijk-Bergen



Nos a cuminsa wak e salida di e Parada di Luz di Carnaval 71 na canal 22 cu e flamante Sandra y un cabayero cu nos no a catch su nomber. Nos a ripara cu den Vondellaan, na unda e team filmado di canal/top 95 fm ta para, dilanti nan y na banda di nan no tin e baricadanan cora cu blanco. Un toke bunita pa e pueblo para na banda sinti nan uni cu e participantenan den e gruponan. Nos no sa si ta riba henter e ruta di e Parada di Luz esaki ta asina? Nos no a sigui wak, nos a bay chill den kamber sucha dushi musica country via Alexa. Ya pa anjas nos no ta bay wak ningun parada mas, ta prefera di wak e fei cas na televishon den un ambiente mas confortabel cu tur cos serca ey mes. Banjo, cushina y bo reclyner dilanti televishon. Cu edad aumentando bo interesnan ta cambia y bo ta mas dushi den bo comfortzone rond di bo. Y ta hopi ta pensa mescos cu Lady Ruth. Tempo nos tawata mas hoben nos tambe a bula baila djodjo den varios parada di Carnaval cu Los laga bay y cu Dreamteam St. Cruz. Pa nos, no lo tin e canticanan impactante mas manera tur e canticanan di King Claudius Phillips. Nos no a scucha e festivalnan di tumba y of calypso cu roadmarch e biaha aki na radio ni a wak e na televishon tampoco. Pero, ta scucha nan na radio

Galactica ora nos ta keiro den auto atardi wak e bunita dushi solo baha den laman. Despues di e programa tan gusta y scucha Memories, nan sa bin cu programanan cu musica carnavalesco. All in all, nos no ta Carnaval minded mas. Prefera di wak un bunita pelicula, pinta of inspira poema, locual nos ta gusta mas y hasi hopi hende rond di nos contento cu mi talentonan di scirbi. Prome nan aya bo ta hanya mas participante den eleccionnan di reina, awor tur cos ta placa placa, habla di amiga Philomena Wong den felis memoria, cu a pre mira y pre sinti den su poema di Placa ya ta hopi anja pasa, ora cu ya mas y mas por a ripara cu tur kier luhia sin preocupa e debe cu nan tin cu sigui paga despues. Y pa colmo sa rabia tambe ora nan yui of nieta no sali reina di Carnaval di Aruba. No, shonnan, no ta un joke mas. Pero...ta keda na cada ken pa cu nan mesun decision di curason. Mane ta bisa na ingles "YOLO", You only live once. Lady Ruth nunca a gusta e competencianan den eleccionnan di reina durante anja tampoco, ach, simplemente nos no por cu tanto cosnan falso na hendenan cu normalmente originalmente ta bunita, pero ta tinja, street cabey, usa wimpers falso di un meter cu nan kier bo miradjelew, wowo mita sera, ufffttttttttttt, not for me! Tempo Lady Ruth como teenager Ruthy tawatatin 13 of ta 14 anja, of hasta 15, ela wordo aserca pa participa den competencia di Miss Teenage. Naaaaaaah, nada pa mi! Nos gewoonweg ta kere cu tur mucha muhe ta bunita riba nan mes. Con bo ta bay scoge entre un chinees, un hindu, un africano y un macamba ofzo? Ta un sorto di discriminacion of no? Enfin, nos ta pro e dushi ambiente alegre si durante e temporada aki di carnaval y nos a decora un parti di nos cas cu mi mesun BAR. Otro cos, awor no ta "Bo amigo didi" mas, awor ta Bar, bo amigo responsabel. Y asina lo sigui, semper lo bin un otro cu su idea

y nan ta lubida esnan cu tawatatey caba promer. Ami tin un "MCP" ...Mi chauffeur priva, hahahahaha. Laga nos hari un crenchi, pasobra, ta hopi ya a awordo yama nos dilanti pa bay den e mundo mas aya. Nos ta desea e famianan, amigonan y conosirnan cu a despedi di un ser stima hopi condolencia, consuelo y amor. Recorda nan den felis memoria y semper nan lo ta mas serca di mente, alma y curason. Tristeza ta bay man den man cu alegria tur dia. Nos por tuma bida "One day at a time" cu gradicimento na nos curason y sigui cuida nos mesun salud. Pasa un dushi Carnaval grandi weekend cu ta bin, goza hopi den famia, y cuida otro. E ta un temporada dushi sigur sin duda, na unda creatividad ta lora su mes den tur sorto di color den fantasia. Pabien na tur participantenan y na tur reinanan den nos bunita paradanan den carnaval 71. Pabien na tur gruponan musical y nan cantantenan. Pabien na tur e scolnan cu a celebra den nan maneranan simpel y colorido tambe e dushi fiesta cultural aki, adapta fey otro partinan di mundo. Lady Ruth no ta desea di papia tocante e beachbandi strand politie cu nan a kita fei pueblo na maneranan fini fini pero cu un skop cu pia dobla, pasobra esnan den esaki, no por sigui fingi den un consenshi trankil cu atrobe pa placa placa placa nos muchanan cu nan famia no por sinta bao di e palo di kwihi mas. Ach, toch nos a bisa algo. Un persona cu a topa nos den supermercado a bisa, cu ta tur gobierno tin bon y malo, pero cu cada ves e bon ta sigui bira mas malo. Hopi laf mes! Sin amor pa prohimo riba mesun isla, pero si pa e stranheronan cu ya a hanja hopi caba, ta wordo mima cu mas...pa placa placa placa.



Amiga Philomena Wong rip, gran poeta, bo a dal e clabo riba su cabes! Nos ta termina nos relato cu un pabien y danki grandi na Aruba Bank cu otro bunita regalo grandi diki gordo di 100 mil florin na SEPB Stichting Educacion Profesional Basico pa promove educacion vocacional y futuro di nos hobennan den area laboral. Ta nan di dos donacion den cuadro di celebracion di 100 anja, un siglo di muestra di confianza di e pueblo di Aruba y e relacion forma di nan cu nos comunidad. Saludos di Ruthy cu un pic saca na Gloria, un bunita installashon artistico carnavalesco obra di e gran artista cu estilo unico y super bunita, Elizabeth "Bea" Quilotte Croes.



# FORTALEZA PA FAMILIA

Scirbi pa Pastor Marcel Balootje.

## NO TA PASOBRA BO TIN RASON, BO NO KIER PORDONA

Ora hende tin razon, ta parce manera hopi biaha na kier negocia, cu nan razon enbes di pordona otro.

Y hopi no ta pordona di curason, pasobra nan ta keda para riba e asunto cu ta e otro tin falta y cu nan ta bon sin ningun falta.

Pero e palabra di Dios ta sinja nos den 2 Corintionan 2:11 bisando cu nos mester pordona, pa satanas no cohe bentaha riba nos, pasobra su trikinan no ta desconoci pa nos.

Si un mucha haci algo robes y su mayor keda zundra, di dia y anochi, sin coregi y disciplina e mucha e situacion ta bira peor, pasobra ningun momento amor no a wordo demonstra na e mucha, y e enemigo ta cuminsa ataca su mente cu e pensamiento cu mi mayornan no stima mi.

Ora un hobencita a sali na estado y e ta bayendo un iglesia, prome cos cu e ta enemigo ta hinca den su cabes ta pa stop di bay iglesia pasobra tur hende ta papia riba bo, pasobra bo a cay den pica.

Pero ta deber di e iglesia, pa sali busca e hobencita

ey, y demostre amor, pordon, y restaura e mucha completamente, pa e diabel no cohe bentaha den su bida, cu e mentira di rechaso.

Ora un hoben cu conoce Dios, pero toch ta usa droga, e ta kere cu e no por bay iglesia, pasobra e ta den droga, y cu otronan lo papia riba dje, pero e ta lubida cu Cristo Hesus a bisa bin serca mi tur cu ta cansa y carga y lo mi duna boso sosiego.

Si tin un problema entre un pareha, mas nan tarda pa drecha e asunto, mas peor e asunto bira, pasobra corda bon cu Senyor ta bisa pa no laga solo baha riba boso rabia, no duna lugar na diabel.

Ningun caminda den bijbel no ta para scirbi cu hende tin poder pa castiga un otro hende door di keda sin pordona su prohimo.

Falta di pordon ta gran ladron di felicidad di hende, y hasta e ta causa di division den famia, pasobra pasobra nan no kier pordona otro hopi propiedad ta bay perdi.

Hopi biaha casnan y edificionan ta bay perdi pa motibo di falta di pordon, pasobra hende

cu no ta pordona otro no ta comunica cu otro y asina tur cos ta bay perdi. Edificio y cas grandi y luhoso ta bay perdi, pa motibo di hende cu ta kere cu pasobra nan tin razon y nan no mester pordona pasobra nan ta bon hende.

Pa falta di pordon un homber ta divorcia for di un muher, lagando e muher y yuinan riba caya, pasobra e tabata paga e huur, y asina no tin un hende cu por paga e huur, ningun hende por permanece den e cas. Pero ora nos wak bon kico a pasa ta e homber ta esun cu comete adulterio y tambe maltrata e muher.

Mateo 6:14-15 ta recorda nos cu si nos no pordona Dios tampoco ta pordona nos.

Mateo 18:35 ta recorda nos kico lo pasa cu nos ora nos no ta pordona di curason.

Marco 11:25 ta recorda nos: Y ki ora cu boso ta para ta haci oracion, pordona si boso tin algo contra un hende, pa boso Tata cu ta den cielo, tambe pordona boso, boso transgreshonnan.

Laga nos pensa bon ta na unda un hende por bay si e no kier pordona, y con su relacion cu Dios lo ta? No laga ningun hende ganja boso, tur hende mester pordona.

### Gradicimento & Invitacion

Cu inmenso amor y gratitud den nos curason, famia Croes ta gradici tur esnan cu di un manera of otro a duna nos sosten, consuelo y forsa prome y durante entierro di nos defunto stima:



### Elisabeth C. Croes-Croes

Mihor conoci como: El, Elsie, Juffrouw Elsie, Juffrouw Croes

Un danki na tur cu a compania nos y a aporta na un bunita despedida di nos defunto, specialmente na famia completo y e ekipo di "ICU" di HOH. Pa tur yamada, areglo di flor, donacion haci na e instancianan concerni y tur mensahe via rednan social.

Un danki di curason na Pastoor Jairo pa su bunita palabranan durante Respons, na tur cu a contribui na misa y na Aurora Funeral Home pa e bon servicio y atencion.

Lo tin tres Santo Sacrificio di misa pa descanso di alma di nos defunto stima:

- Diamars 25 di februari 2025 pa 7:00 pm na Misa Inmaculada Concepcion, Santa Cruz
- Diahuebs 27 di februari 2025 pa 7:00 pm na Misa Inmaculada Concepcion, Santa Cruz

Boso presencia ta altamente aprecia.

**Clasificados**



**SOLODIPUEBLO@GMAIL.COM**  
**CEL. 585 9500**

**SOLO**  
Di Pueblo



# MISION COMERCIAL ARUBA - PANAMA TABATA UN EXITO

Oranjestad – Dianan 12 te cu 14 di februari 2025, un delegacion comercial di Aruba a participa den e mision comercial ‘Dutch Caribbean Meets Panama’ na Panama, un evento exitoso cu a fortifica lazonan economico y comercial entre e islanan di Reino Hulandes y Panama.

E mision comercial a wordo organisa door di Holland House Panama, den colaboracion cu e Embahada di Reino Hulandes na Panama y Camara di Comercio y Industria Aruba (KvK), e mision tabata enfoca riba oportunidadnan comercial y inversion den sectornan strategico manera logistica, importacion y exportacion, turismo, servicio financiero y digitalisacion. Cu mas di 70 empresario di Aruba, Curaçao, Bonaire, Sint Maarten, Sint Eustatius y Saba, e mision a habri hopi posibilidad pa negoshi y colaboracion. E delegacion comercial di Aruba a consisti di 11 comerciante, representando 9 compania di Aruba. E delegacion aki tabatin casi 60 cita cu comerciantenan di Panama y a keda hopi satisfecho cu e citanan ricibi.

## Mision comercial

Panama ta un Hub di America, promoviendo crecimiento den infraestructura maritimo, logistica, servicio financiero y innovacion digital. Pa empresarionan di Aruba, esaki tabata un oportunidad ideal pa explora mercado nobo, amplia nan red di contacto y reforsa laso economico.

E delegacion comercial tabata consisti di varios empresario ofreciendo producto y/of servicio den diferente ramo e.o.: importacion di productonan alimenticio, construccion y mantencion di pool, servicionan administrativo, consultancy

servicionan di VIP, y servicionan di ingenieria. E citanan cu e empresarionan na Panama a wordo organisa pa Holland House Panama. Holland House Panama ta un organisacion cu ta traha pa fortalece relacionnan di negoshi entre Hulanda y Panama. Alabes ta stimula comercio internacional y inversion.

## Un Programa Completo

Durante e tres dianan di e mision, e delegacion comercial a participa den presentacionnan, bishitanan strategico y reunionnan cu comerciantenan di Panama, resultando den oportunidadnan concreto pa futuro colaboracion.

E programa di e delegacion comercial a cuminsa oficialmente diaranson, 12 di februari 2025. Dia 1- 12 di februari 2025: Introduccion na Mercado Panameño

E dia a inicia cu un sesion informativo, durante e desayuno, titula ‘Doing Business in Panama’, unda expertonan di sector priva y gubernamental a duna un resumen di e infraestructura comercial y financiero di Panama. ProPanama, un agencia cu ta promove exportacion y inversion na Panama, a presenta informacion clave den logistica y e mercado Panameño.

Despues a sigui mas presentacionnan interesante tocante digitalisacion y innovacion na Panama. E dia a sigui cu un bishita na e Free Trade Zone di Panama Pacifico, caminda e empresarionan a haya oportunidad di conoce personalmente cu e proyecto interesante aki.

E anochi a culmina cu un networking event na residencia di e Embahador di Reino Hulandes na Panama, sr. Sander Cohen, caminda e delegacion por a conecta cu representantenan



di Gobierno, comerciantenan Panameño y comerciantenan di e otro islanan presente. Sr. Cohen a yama tur comerciante bon bini y sr. Diederik Kemmerling, presidente di directiva di KvK, tambe a gradici tur e organisadornan y e participantenan di e mision aki.

Alabes, sr. Kemmerling a duna e Embahador di Reino Hulandes na Panama, den nomber di KvK, un pintura di Aruba ariba canvas, como gesto pa su amabilidad y hospitalidad na nos comerciantenan durante nan bishita na su residencia.

Dia 2 – 13 di februari 2025: Matchmaking y e Canal di Panama

E siguiente dia tabata enfoca riba matchmaking sessions, unda cada participante di e delegacion a reuni cu mas o menos 4 - 6 empresarionan Panameño. Durante e reunionnan aki, e empresarionan di Aruba por a cera conoci cu empresarionan estableci na Panama y diferente palabracion pa futuro cooperacion a inicia. Representantenan di KvK tambe a reuni cu diferente organisacionnan pa intercambia informacion encunto comercion na Panama y Aruba.

Despues di un networking lunch, e delegacion a bishita e Miraflores Locks di e Canal di Panama. Miraflores locks ta un di e tres ‘locks’ na Panama, unda barconan ta subi y baha riba nivel di awa pa por pasa entre e oceano Atlantico y Pacifico.

E anochi a conclui cu un cena

na unda e delegacion por a sigui intercambia ideanan den un ambiente informal.

Dia 3 – 14 di februari 2025: Oportunidadnan den Colon Free Zone

E ultimo dia tabata dedica na un bishita na Colon Free Trade Zone, un di e hubnan di importacion y redistribucion mas grandi den hemisferio occidental. Durante e bishita, e delegacion a ricibi un presentacion di e bentahanan di opera den e free zone y e posibilidadnan pa exportacion for di Caribe Hulandes.

Finalmente, e mision comercial aki a habri hopi posibilidad pa colaboracion y expande comercio entre e dos regionnan. Empresarionan di Aruba y alabes di e otro islanan den Caribe Hulandes a expresa nan satisfaccion cu e contactonan estableci y e oportunidadnan cu a surgi durante e mision.

## Gradicimento

KvK kier a gradici Holland House Panama pa e colaboracion cu a haci e mision comercial aki uno sumamente exitoso. Tambe un danki na tur e comerciantenan di Aruba cu a participa na e mision aki y a haci e mision uno sumamente exitoso!

KvK ta sumamente contento cu e resultado di e mision, y ta sigi contribui na busca oportunidadnan pa empresario local y aporta na e promocion di nos isla como un destino empresarial. Por wak portret di e mision ariba nos facebook page: [www.facebook.com/arubachamber](https://www.facebook.com/arubachamber).



# FAMIA DI TURISTA A KEDA RABIA CU NAN A BIRA VICTIMA DI KIEBRO Y LADRONICIA!





Diadomingo mainta a drenta informe di cu un famia turista cu a bay disfruta di nos beachnan banda di Ritz Carlton a keda rabia cu ladronnan a destrui nan auto y a horta nan pertenencianan.

Mesora a dirigi un patruya na e sitio.















Asina e famia Smith turistanan cu a bini di vacacion na Aruba y a bay disfruta di nos beach a remarca na nos.

Polis a tuma e keho y a pasa esaki pa e departamento di recherche.





Paardenbaaistraat 10, Oranjestad, Aruba Tel.: (297) 525 - 7555  
www.lottoaruba.com  
Resultado: Sorteo di Merdia - February 24, 2025

 Sorteo # 4547 <b>8045</b> <b>0444</b> <b>9213</b>  FP  Sorteo # 4547 <b>1459</b>  FP  Sorteo # 2603 <b>1225</b>  Sorteo # 4547 <b>2523</b> Sagitario  Sorteo # 1421 <b>845</b>  X2	 Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot <b>140.000,-</b>	 Sorteo # 0 x Jackpot 0 x Match 4 0 x Afl. 8,00 Proximo Jackpot <b>54.000,-</b>	 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Mega Ball Proximo Jackpot <b>2.450.000,-</b>	 <b>Afl. 3.750.000,-</b>	 Sorteo # 
--	--	--	--	--	--

# SUDOKU

		8		3		5	4	
3			4		7	9		
4	1				8			2
	4	3	5		2		6	
5								8
	6		3		9	4	1	
1			8				2	7
		5	6		3			4
	2	9		7		8		

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

							3	9
	8							5
		9		6		8		
		5		9				6
7								
		8	4		6			
		3		8			5	
	2		7			6		
4						1		



# DOKTER A PIDI AMBULANS PA UN PASHENT CU A CABA DI HACI LIPO CU TUMMY TUCK

Diasabra atardi a drenta informe di cu un persona cu a bay haci lipo cu tummy tuck a bira malo na un consultorio di dokter y a pidi

un ambulans p'e pa hib'e hospital.

Na yegada di e ambulans a bin resulta cu e pashent

lo ta den hypertentie, e ta zwak y ta bleek y e dokter kier mande pa hospital. Ambulans a tuma e pashent y a transporte pa hospital.



## LADRONICIA FOR DI AUTONAN DEN CENTRO DI ORANJESTAD TA SIGUI AWOR NA DOMINICANESSENSTRAAT



Diadomingo merdia a drenta informe di un caso di kiebros y ladronia for di un auto den Dominicanessenstraat, mesora a dirigi un patrulla na e sitio. Na yegada di e patrulla a bin compronde cu den oranan di anochi

un ladron a habri e auto di e doño cu no a lock esaki apropiadamente y nan a logra habri e lock y a bay cu e cartera di e homber unda nan a by cu su cartera di largo. Polis a enbusca di e cartera aki,



## Oracion di dia

### Un feliz dia yena di hopi fe y speransa den nos bon Dios

"...sino conta e generacion venidero: esta gloria di Señor, su poder, ye cosnan milagroso c'El a haci." ( Salmo 78, 4bc) E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, CristoHesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cuDios. Pero anos a sigui conta nos yiunan tocante di Dios manera nosgrandinan a haci? Anos a siña e hubentud tocante e milagronan y sacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba e caminda cu Cristo Hesus a traha pa nos. "...pa nan tambe confia den SEÑOR, no lubida Dios su obranan grandi..." (Sal 78, 7) Oracion: Señor mi Dios motiva mi y guia mi, cu yudansa di Spirito Santo, ariba mi responsabilidad pa conta y educa e generacion nobo di

Bo Maraviya.

Y inspira nan pa nan sigui conta na e siguiente generacion.

Amen.

## Paga bo cuenta online ta facil

Sea  
Abonnement  
of Aviso



Pa hasi pago online pone number y adres na  
cuenta di banco RBC Sunmax Printing  
account # 7700000100152447